

Uorden disciplinar

A. En general

Art. 1

Igl uorden disciplinar vala per tut las scholaras e tut ils scolars dallas Intent
scolas dalla vischnaunca da Laax.

Ensemen cun igl uorden da scola segirescha el in menaschi da scola senza disturbi. El rugalescha las cumpetenzas dallas autoritads da scola e dil scolars sco era la procedura en cass da surpassaments dil scolars enviars la disciplina da scola.

Art. 2

Ils temps da scola ein d'observar.

Per absenzas, congedis ed extradas dalla scola avon temps valan las prescripziuns dilg uorden da scola e dalla lescha da scola dil cantun.

Instrucziun,
absenzas,
congedis

B. Disciplina en scola

Art. 3

Scolars e scolasts han da secuntener vicendeivlamein a moda discreta e toleranta e cunzun tralasar remarca offendentas. Reglas da
secuntener

Ils scolars sedeportan andantamein denter els, enviars scolasts, autoritads da scola e persunal da scola. Las directivas dil scolasts, dallas autoritads da scola e dil persunal da scola ein d'observar. Els han d'evitar tut quei che disturba il menaschi da scola.

Duront ils meins da scola dueigien ils affons esser sut la surveglanza dil geniturs suenter las 21.00 uras temps d'unviern e suenter las 21.30 uras temps da stad.

Art. 4

Il reglament da casa ed uorden per il diever dallas localitads ed areal da scola ein d'observar. Il medem vala era per las directivas dil persunal da scola. Localitads,
indrezs, urdeins

Ils scolars han d'haver quitau dil indrezs en las localitads e sils areals da scola, sco era dil urdeins e dil material da scola.

Art. 5
Via da scola Per ils scolars dil vitg ei il viadi a scola da far a pei.
En cass motivai sa il cussegl da scola far excepziuns. Nua che la pusseivladad ei dada eisi da far diever dil bus regional.

Art. 6
Products da consum, da luxus e mieds toxicogens Mieds che donnegian la sanadad sco il fimar, il consum da bubrondas alcoholicas e prender drogas ei scumandau strictamein als scolars.

C. Puniziuns disciplinaras, cumpetenzas, procedura

Art. 7
Cass disciplinars, puniziuns disciplinaras Surpassaments viers igl uorden disciplinar vegnan castigai cun reprimandas, lavurs per castitg, arrest ni cun ina lavur speciala sut survegionza. Durent igl arrest sto il scolar vegnir occupaus cun ina lavur significativa.

Il cuoz maximal pigl arrest e per las lavurs specialas munta a 4 mezs dis.

Art. 8
Cumpetenzas Il scolast sa ordinar ina reprimanda a bucca ni a scret, lavurs per castitg ed in arrest tochen ad in miez di.
Il cussegl da scola sa ordinar tut las puniziuns disciplinaras.

Art. 9
Constatar il causal, udida da dretg Specia e circumstanzias dil surpassament disciplinar ein da sclarir. Il scolar ei da tedlar.

En cass nua ch'in arrest survarga in miez di ni ina lavur speciala sut survegionza stattan en damonda, eis ei da tedlar ils geniturs resp. lur representants avon che prender ina decisiun. La decisiun ei da communicar ad els a scret cun aschuntar ils motivs.

Art. 10
Recuors Encunter decisiuns da castitgs disciplinars tras il scolast sa ei vegnir fatg recuors al cussegl da scola. Quel decida definitivamein.
Encunter decisiuns ch'il cussegl da scola pren sco emprema instanza sa ei vegnir fatg recuors al departemant d'educaziun.

D. Disposiziun finala

Art. 11

Quest uorden disciplinar ei vegnius approbaus dalla radunonza Disposiziun
comunala dils 9-12-1994 ed entra en vigur ils 1-1-1995. El rem- finala
plazza igl uorden disciplinar dalla vischnaunca da Laax digl 1. da
schaner 1985.

En num dil cussegl da scola:

Il president:

Fridolin Caviezel

Igl actuar:

Robert Arpagaus

En num dalla vischnaunca:

Il president:

Vitus Dermont

Il scarvon:

Augustin Killias

Uorden disciplinar

Art. 1

Il cussegl da scola relai quest uorden disciplinar che vala per tut- Intent
tas scolast sin intschess dalla vischnaunca da Laax.

Igl uorden disciplinar vul d'ina vart promover il svilup digl affon e
far attent quel sin sias obligaziuns e da l'autra vart sustener ils
geniturs ch'ein specialmein responsabels per l'educaziun da lur
affons.

Art. 2

La scola metta gronda peisa sin ina buna collaboraziun cun ils Contact
geniturs. Ella sustegn e promova il contact persunal denter geni-
turs, scolasts e cussegl da scola. cun ils geniturs

Quei daventa tras discuors persunals culs scolasts, tras seras da
geniturs e dis da viseta en scola.

Art. 3

- a) Ils temps da scola ein d'observar punctualmein. Instrucziun,
Sunter la conclusiun dall'instrucziun han ils scolars da seren- pausa, conclu-
der schi spert sco pusseivel a casa. siun dall'in-
strucziun
- b) Il scolar astga buca munchentar l'instrucziun senza motivs
urgents. Absenzas da scola drovan il consentiment dil scolast e ston es-
ser motivadas.
- c) Sco motivs urgents valan:
- malsogna dil scolar
 - malsognas contagiusas e mortoris en famiglia
 - pussonza dalla natira (nevadas extraordinarias ni malauras)
- d) Scadina assenza dall'instrucziun, per tgei motiv che seigi,
drova suandonta lubientscha:
- tochen 1 di dil scolast
 - plirs dis dil cussegl da scola
- Ulteriuras concessiuns per avon e suenter las vacanzas da
scola vegnan lubidas mo dil cussegl da scola.

Art. 4

- a) En casa da scola duei reger schubradad, uorden, buna discipli- En scola
na e ruaus.
- b) Tuts scolars han da purtar scalfins en las localitads da scola.
- c) Scadin scolar ha d'haver quitau ch'il mobiliar da scola vegni
buca demolius ni donnegiaus.

- d) Il scolar ha quitau da cudischs e material che vegn mess ad el a disposiziun dalla scola.
- e) Scadin donn caschunaus da bugen vid mobílias, indrezs, escha, finiastras ni material da scola etc. sto vegnir indemnisaus dils geniturs ni digl ugau digl affon.
- f) Ils scolars astgan entrar en scola per cuort avon che l'instrucziun entscheiva. Medemamein han els da bandunar la casa da scola scochemai che l'instrucziun ei finida. Duront la pausa setegnan ils scolars si sin la piazza da scola e buc els zulers ni stanzas da scola.

Art. 5

Sin piazza
da scola

- a) Duront la pausa han ils scolars da suandar las cunzinas dalla survigilanza da pausa. Negin astga bandunar il plaz da scola senza lubientscha. Duront l'instrucziun astga buc vegnir fatg canera sin la piazza da scola ed els zulers.
- b) Ils scolars han da respectar las ordras dil pedel sin la piazza da scola.

Art. 6

Ordeifer la
scola e sin via

Scadin scolar sedeporta andantamein ed honestamein. El salida ils carschi e pren risguard dils pigns e pli fleivels. Duront il surversch divin eis ei da tralaschar tut disturbi.

Plinavon ein ils suandonts puncts d'observar:

- a) Duront ils meins da scola duein ils affons esser sut la survigilanza dils geniturs suenter las 20.30 uras.
- b) Sin vias e piazzas publicas ein las prescripziuns da traffic d'observar strictamein.
- c) Passar sin la cozza da glatsch dil «Lag digl Oberst» ei scumandau. Sin la cozza da glatsch dil «Lag Grond» astga vegnir passau pér il mument che quei ei vegniu dau liber ufficialmein.
- d) Scadin scolar sedeporta sin las pistas da skis aschia ch'el disturba ni periclitescha negin.
Per quels che fan diever dallas pendicularas e dils runals valan las prescripziuns dallas pendicularas. Al personal cumpetent dallas pendicularas eis ei da obedir senza restricziuns.
- e) Quei che pertucca la protecziun dalla natira duei scadin affon esser pertscharts da sia responsabladad da proteger generalmein ils animals, las plontas e la natira.
- f) Scadin manipular cun armas da fiug e materias explosivas ei scumandau.
- g) Star sur notg en tegias e camps ei lubiu mo sut la survigilanza d'ina persuna da confidanza.

- h) Il fimar, il consum da bubrondas alcoholicas e prender drogas ei scumandau strictamein als scolars.
A persunas carschidas ei il fimar en casas da scola lubiu mo en la stanza da scolasts ed en las localitads dil pedel.
- i) Frequentar arranschaments da sault publics ed era ustrias, cafés e saluns da giug senza accumpignament da carschi ei scumandau. Igl ei surschau alla responsabladad dils geniturs da lubir a lur affons da frequentar arranschaments adattai per quels.
- k) Aunc obligai dad ir a scola astgan buc appartener sco commembers ad uniuns da carschi. Il cussegl da scola sa scumandar a scolars da prender part ad arranschaments d'uniuns e d'esser commember d'organisaziuns per giuvenils, specialmein per motivs educativs.

Art. 7

Levs surpassaments da quest uorden disciplinar vegnan puni dil scolast, pli grevs surpassaments vegnan annunziai al cussegl da scola.

Surpassaments

Art. 8

Ils scolars ein assicurai encunter accident mo duront l'instrucziun, a caschun d'arranschaments da scola e sin la via directa a scola.

Assicuranza dils scolars

La scola surpren buc la responsabladad per donns materials.

L'annunzia d'in accident ha da succeder tras il scolast.

Art. 9

Ils geniturs han d'haver quitau che lur affons surdrovien buc la televisiun, il sport ed auters divertiments e negligeschien cheutras la scola.

Surdiever

Art. 10

Il survetsch divin da scola vegn frequentaus tenor urari da scola.

Survetsch divin

Art. 11

Dil rest valan las leschas ed ordinaziuns cantunalas.

Leschas cantunalas

Art. 12

Scadin scolast ei obligaus da preleger quest uorden disciplinar alla entschatta digl onn da scola, da preveder quel cun in commentari motivont e da far attent detschartamein ils scolars, che quest uorden disciplinar hagi da vegnir observaus.

Far enconuscent

Messa en vigur

Quest uorden disciplinar remplazza quel dils 6 da mars 1970 e va en vigur igl 1. da schaner 1985.

En num dil cussegl da scola da Laax:

La presidenta:

A.M. Coray

Igl actuar:

P. Camathias

Approbau dalla radunonza communal da Laax ils 5 d'october 1984.

En num dalla vischnaunca:

Il president:

E. B. Hangartner

Il scarvon:

Augustin Killias